

Rætt um á Landsfundi að hleypa karlmönnum inn í starf Kvennalistans, efna til samstarfs við aðra flokka eða leggja niður vopn og snúa sér að einhverju nýju. Kristín Ástgeirs dóttir:

Kvennalisti er í tilvistarkreppu

Landsfundur Kvennalistans fór fram um helgina á Nesjavöllum. Þátttaka var dræm á fundinum, aðeins um 60 konur mættu, en miklar væringar voru um hvaða stefnu starf Kvennalistans ætti að taka í kjölfarið á slæmri útkomu hreyfingarinnar. Kristín Ástgeirs dóttir þingkona segir þrjár leiðir koma til greina en tilvistarkreppa samtakanna sé óumdeilanleg.

Yfirschrift fundarins var „Kvennapólítík — hvað nú?“ Tíminn spurði Kristínu Ástgeirs dóttur hver niðurstaða fundarins hefði verið: „Það voru ákvædnir kostir um framtíð Kvennalistans ræddir og niðurstaðan varð sú að samþykkt var að snúa vörn í sókn, reyna að efla samtökin og sjá svo til í framtíðinni.“

-Hvaða leiðir voru einkum ræddar til þess?

„Adalmálið er að einbeita okkur að launamálum kvenna og efla okkar innra starf. Á fundinum heyrðust þrjár raddir: Í fyrsta lagi að efla samtökin með breyttum áherslum eins og t.d. að hleypa inn karlmönnum. Í öðru lagi að fara út í samvinnu við aðra flokka og í þriðja lagi telja sumar að frambodstíð okkar sé á enda runnin, við ættum að snúa okkur að einhverju öðru.“

-Er Kvennalistinn í tilvistarkreppu?

„Já, ég hef notað það orð. Við þurfum að snúa vörn í sókn, bæði ívæð varðar dvíndandi fylgi samtakanna og eins er áhyggjuefnir í veit hlutur kvenna batnar hægt. Launakjör kvenna hafa t.d. versnið upp á síðkastið ef eitthvað er.“

-Hafiði þá brugðist kjósendum kkar? Meginmarkmið stefnunnar ins og jafnrétti og batnandi launakjör kvenna hafa ekki náðst fram.

„Það fer auðvitað ekki fram hjá kur að ákvæðinn hópur kvenna efur orðið fyrir vonbrigðum eigna þess að okkar leid hefur



Kristín Ástgeirs dóttir.

ekki skilað nægum árangri.“

-Sýnir ekki minnkandi fylgi Kvennalistans að hugmyndafræðin sé úrelt, að kennnafl eitt og sér eigi ekki lengur upp á pallborðið hjá þjóðinni?

„Ja, það er stóra spurningin. Ef Kvennalistinn fær ekki fylgi hjá kjósendum er eitthvað að. Það er einmitt það sem við viljum kenna til þrautar og reyna að átta okkur betur á hvort það séu þjóðfélagslegar breytingar, hugmyndafræðin okkar, frambjóðendurnir eða eitthvað annað.“

-Er skilgreining Kvennalistans á hreinu? Eruð þið miðjuflokkur eða vinstra afl?

„Við skilgreinum okkur fyrst og fremst sem kvennapólítiskt afl og höfnum vinstri og hægri skilgreiningu. Hvað þýdir hægri og vinstri pólitík í dag? Hugmyndafræði 19. aldarinnar á að mjög litlu leyti við þær þjóðfélagslegu aðstæður sem við búum við. Þetta er hugmyndakerfi sem stenst ekki. Sjónarhorn kvenna og mismunandi staða kvenna er það sem við viljum fyrst og frems benda á. Við höfum alltaf verið á þeirri skoðun að mikil og góð félagsleg

þjónusta sé brýn, bæði fyrir fjölskyldur og sérstaklega konur. Er það að vera vinstri sinnadur? Við viljum þjóðfélagslegan jöfnuð, að fólk beri ábyrgð og styðji hvert annað. Er það að vera vinstri sinnadur? Er það ekki bara kristilegt hugfarfa?“

-En vilja kjósendar ekki hafa skýrari línr? Er ekki tímabært að Kvennalistinn skilgreini sig betur að þessu leyti, ekki síst með liti til mögulegs samstarfs vinstri breiddfylkingar?

„Við vilum ekki verða neitt hefðbundnið pólitískt afl. Við höfum mikla sérstöðu sem kvennaáfl, og okkur hefur tekist að koma með nýja hugsun inn í umræðuna. Öll íslensk pólitík er í ákvæðinni deiglu núna, það eru allar línr mjög óskýrar, ekki bara hjá okkur. Hvað með Alþýðuflokkinn? Hvað um Alþýðubandalagið? Við urðum t.d. vitni að því á síðasta kjörtímabili Alþýðuflokkssins að þar komu fram ýmsar frjáls-hyggiuhugmyndir, s.s. einkavæðing og árásir á velferðarkerfið. Hjá Alþýðubandalaginu finnst enginn sem veit hlutverk þess. Hvert er inntak hugmyndafræði þeirra?“

-Veltur framtíð samtakanna ekki á samstarfi við aðra flokka?

„Það kom fram á Landsfundinum að mikill meirihluti fundar-gesta vildi ekki samruna á lands-vísu. Þó er til hópur sem vill það og sú umræða mun halda áfram. Áður en þau skref verða stigin verður að skilgreina framhaldid. Ef vinstra samstarf verdur að veru-leika, til hvers á það að leida? Það er ekki nóg að markmiðið með sameiningu sé það eitt að ná völdum.“

Stendur Kvennalistinn í pólitískri endurvinnslu?

„Já, það mætti segja það. Við þurfum að taka okkur tak,“ sagði Kristín Ástgeirs dóttir, þingkona Kvennalistans í samtali við Tímann í gær.